

VA NA NA RITO

Nawumbisi wo Cinca swa timhaka ta swa Nsirhelelo wa [B18-2017] (Huvo ya Rixaka– xiyenge xa 75)

Xirhambo xa Swibumabumelo leswi tsariweke

Komiti ya Vuangameri ya Huvo ya Rixaka ya Swifundzankulu ya swa Vusirheleri na Vululami yi rhamba vanhu lava nga na xiave na lava nga na ku tsakela ku yisa swibumabumelo leswi tsariweke mayelana na **Nawumbisi wo Cinca swa timhaka ta Nsirhelelo wa [B18-2017]** (Huvo ya Rixaka– xiyenge xa 75).

Exikarhi ka timhaka tin'wana, **Nawumbisi wo Cinca swa timhaka ta Nsirhelelo** wu lava ku:

- cinca Nawu wa Nsirhelelo wa 2002 ku endlela ku katsa Mufambisinkulu wa Vatirhi eka Vulawuri bya Nyimpi bya Vuthu ra Nsirhelelo;
- veka erivaleni phurosele mayelana na ku tirhisiwa ka vurhumiwa na matimba ya Mufambisinkulu wa swa Nsirhelelo na ku nyikiwa ka mitirho ya swirho hi matsalana wa Nsirhelelo tanihi nhloko na muhlamuleri wa hofisi ya Ndzawulo;
- lulamisela ku thoriwa ka Vuthu ra Nsirhelelo ehandle ka Riphabliki;
- lulamisela nkambelo wa vusirheleri eka van'waticontiraka na vanyiki va vukorhokeri va Ndzawulo;
- veka erivaleni leswaku munhu a nga fanelanga ku kuma mpfumelelo wa muthori ku va a ngenela vuxirho kumbe ku ya emahlweni na ku va xirho xa Vuthu ra rhizevhe;
- lawula hi vuntshwa ku herisiwa ka vukorhokeri bya swirho swa Vuthu ra Nkarhi hinkwawo;
- cinca swilaveko swa vuyimeri bya swirho bya nawu;

- lawula ku humeseriwa erivaleni ka swo khavisa swa nyimpi, timendlele na tibeji;
- lawula matirhiselo ya tiyunifomo ta nyimpi, mimfungho yo hlawuleka na swidlodlo na
- ku lulamisela ku aleriwa ku kuma nhundzu kumbe ku fikelela tindhawu ta nyimpi.

Swibumabumelo leswi tsariweke swi fanele ku amukeriwa ku nga se hundza siku ra **ti 16 Hukuri 2018**.

Swikombelo swa tikhopi ta Nawumbisi, swibumabumelo leswi tsariweke na swivutiso swi fanele ku kongomisiwa eka Nkulukumba G Dixon, Komiti ya Vuangameri ya Huvo ya Rixaka ya Swifundzankulu ya swa Vusirheleri na Vululami, 3rd Floor, Office 133, 90 Plein Street, Cape Town, 8001 kumbe ku imeyileriwa eka gdixon@parliament.gov.za kumbe ku fekiseriwa eka 086 658 9371.

Xi humesiwile hi Muchaviseki SG Mthimunye, Xirho xa Palamende, Mutshamaxitulu wa Komiti ya Vuangameri ya Huvo ya Rixaka ya Swifundzankulu ya swa Vusirheleri na Vululami.